

塗縣志

甲

卷首

序

凡例

目錄

卷一

圖考

卷二

建置沿革

卷三

星野祥異附

當塗縣志

重修當塗縣志序

周官外史掌四方之志近世郡邑之有志猶史也其與中異者史記美記惡並垂勸戒志專於記美體例微別然使

自愛者知所慕不肖者反觀
而內愧以勸爲戒用意則同
至山川之險易疆域之廣狹
土田物產之肥磽豐嗇風俗
人物之淳漓盛衰暨官斯墮

者之政治得失胥一覽而瞭
如指掌所以備輜軒之採成
大一統之書胡可蔑視當塗
爲太平首邑在六朝及明初
稱近畿要地大江亘其西且

陽石曰諸湖環其左自北而南若橫望青山采石天門峯巒遙接蜿蜒秀拔以故名人碩士踵生其間昔夫子不三文獻乎有獻而文不足亦

歸于漫沒磨滅而無所考訂乃當邑之志自康熙乙亥前邑令祝君脩校而後越十年前邑令成君雖於人物藝文頗加增益餘皆如舊本未可

言脩則由今溯祝君時蓋五
十有五年矣一切制度文物
實散佚譌舛是懼方今

聖天子脩明典禮蒐討缺遺而宰
內風土民情無時不厯

睿慮欲周知遐矚顧使數十年來
之志乘闕如其何以承

清問歲己巳幸我

制憲黃大中丞秉鉞兩江振興
廢墜檄飭各府州咸續修郡

當塗縣志

重修當塗縣志序



周官外史掌四方之志近世
郡邑之有志猶史也其與史
異者史記美記惡並垂勸戒
志專於記美體例微別然使

自愛者知所慕不肖者反觀
而內愧以勸爲戒用意則同
至山川之險易疆域之廣狹
土田物產之肥磽豐嗇風俗
人物之淳漓盛衰暨官斯境

者之政治得失胥一覽而瞭
如指掌所以備輜軒之採成
大一統之書胡可蔑視當塗
爲太平首邑在六朝及明初
稱近畿要地大江亘其西丹

陽石曰諸湖環其左自非而
南若橫望青山采石天門峯
巒遙接蜿蜒秀拔以故名
人碩士踵生其間昔夫子不云
文獻乎有獻而文不足亦卒

歸于漫沒磨滅而無所考証
乃當邑之志自康熙乙亥前
邑令祝君脩校而後越十年
前邑令成君雖於人物藝文
頗加增益餘皆如舊本未可

言脩則由今溯祝君時蓋五
十有五年矣一切制度文物
實散佚譌舛是懼方今

聖天子脩明典禮蒐討缺遺而宇
內風土民情無時不厯

睿慮欲周知遐矚顧使數十年來
之志乘闕如其何以承

清問歲己巳幸我

制憲黃大中丞秉鉞兩江振舉
廢墜檄飭各府州咸續修郡

邑志所以敬體

宸衷加惠士庶意至厚也

撫憲衛大中丞並博稽遠近掌
故余既奉檄亟下所屬三縣
然而或以爲難年遠迹湮網

羅弗脩則詳核難也鋪張過
實勸懲無當則謹嚴難也而
詞之工拙次焉適錢塘張君
署當篆毅然力行之諏於邑
中之紳士遴可任事者告於

余設局纂脩未幾新令文安
紀君接理其務不數月調桃
源張君仍視篆偕任事者日
講求釐訂廼觀厥成而剖劂
未竟間有一二卷亦尙在校

定調令陳留石君復督竣焉
余覽其書於前志之訛者正
之蕪者芟之當增入並改定
者無舛無遺無矯誣無偏徇
義明而詞達洵有以信今茲

示來者而仰答

憲府惓惓之至意謂之誌可也
謂猶之史亦可也張君才識
敏練且曩時在蜀督修省志
素有成竹當塗學博萬君邑

孝廉徐君等贊襄編輯一持
之以正校訂諸孝廉而外監
脩爲邑紳吳君而晨夕在局
始終董事則唐生實任其勞
然則事豈有難特行之力與

不力耳余喜首邑之克藉手
而尤願蕪繁兩邑之勿以爲
難而相繼速圖之庶得集腋
而成府志是爲序皆

乾隆十五年歲次上章敦牂

秋九月中憲大夫知太平府
事平江朱肇基撰



重脩當塗縣志序

今

上御極之十五載德茂孕乎百祀
濺澤流乎八垓更擬來歲載
賡時邁諏吉南巡蓋將仿彿

乎虞書周官之典攷川原之
險易驗民俗之貞淫察風土
之奢儉整齊而轉易之俾治
者益治而安者益安也然而
輿圖曠阻未暇遍臨一切都

會郡邑其間賦役丁男山川
土物今昔變遷之故度惟於
志焉稽之

制軍黃大中丞夙體

天子求莫之意節鉞大江南北計

欲旁燭周知上達

聖聰而下酬民望迺遂徵求文獻
蒐討志乘檄令各屬殘廢者
脩缺畧者補

撫憲衛大中丞莅政復於斯加

意而余自去年攝篆長邑後
委署當邑適接郡所轉行
憲檄遂集紳士而議脩斯志
焉夫當邑左江右湖橫望采
石之峯巒聳崦聳翠齊謝唐李

千古風流所以表靈傑之勝
者由來富矣夷考邑志之修
昉於康熙乙亥邑令東牟之
手距今五十餘載差不若壽
春安吳亥豕魯魚貽嗤

憲示然此數十年來士膺不
次之選農食屢蠲之福與夫
忠孝貞烈挺地靈之間氣踵
前達之芳規者遂聽其銷沈
滅沒百年之後漠然徒見山

高而水清抑亦當事之羞也
余既承

令慎選文品素優孝廉徐君
輩職司纂輯復延學博萬君
主持筆削而人物孝義節烈

余尤加慎重嚴爲考核一歸
於大公而至正然後是邑之
規制情形瞭如指掌而旌諸
善以鼓羣慝亦確有微而顯
志而晦之遺稱獨計余去秋

奉檄倡捐修刻嗣文安紀君
承視邑事余幾意不克目覩
厥成矣今年六月紀君有桃
源之調而余復署茲土得與
二三紳士秉筆師儒竭蹶贊


襄而親觀是編之告竣何其
幸也書成凡類二十六計卷
三十有三雖不敢自詡一邑
信史亦庶以遠稽近考仰酬
憲指而當邑地當水陸素號

衝繁其所以休養生息而加
惠於無窮者應不惜爲下吏
宣示云

肯

乾隆歲次庚午仲秋署當塗

縣知縣事錢塘張海撰



重脩當塗縣志序

太平古丹陽郡踞金陵上游
而當塗爲首邑襟江帶湖羣
山拱峙六朝之所經營明祖
由斯肇造名賢稅駕則謝李

之風韻曠世流馨傑士挺生
則陶王之忠勲並時佐命溯
彼曩徽蔚乎盛矣不有志乘
曷以使來者遠覽旁稽流連
景慕况恭逢

聖代重熙累洽百有餘年濺澤漬
於八埏文教軼乎千古塗雖
一縣幅幘差廣茅簷食薄賦
蠲租之德泮林荷作人養士
之休浹髓淪肌孰不懷仁編

氓匹婦悉多砥節向非亟網
羅聞見廣爲記述以彰我

皇朝邳隆之治微特山川減色抑
亦吏是土者之咎也而江南
郡邑志率歲久未修奉

憲檄纂輯太平所屬唯當邑
首奉命余以庚午仲秋自桃
源來視事則志已垂成竊幸
先我者任其勞而余獲承其
後因爲蒐補其未竟并趣剖

三
刪者速竣工焉計是志之修
始於錢塘張君繼以文安紀
君而張君復成之而余適終
之更數人而意指不異譬梓
材文繡統歸於完備已爾且

夫志所爲重在前有模範後
有矜式不徒標巖谷之勝侈
產殖之繁紀沿革損益之制
蓋天文地理禮樂刑法食貨
水利各志一端國史中之志

也而兼史之記表傳贊之義
以爲志郡邑之志也信今傳
後於是乎在斯志體例嚴以
該文詞質而當於人心世道
洵有裨益用以揚

聖化而報

憲命庶不至取戾乎若在昔
修志之本末及今茲珥筆者
之姓氏則 郡憲與錢塘張
君旣言之矣余不復云

皆

乾隆十五年歲次庚午季秋

知當塗縣事陳留石欽承

撰



當塗縣志舊序

洪惟我

皇上天威遐震聲教覃敷雕題鑿齒莫不奉冠帶稟正

朔執玉帛而朝

王會版圖遼澗亘古未有也於凡幅幘以內民風土俗

所在異宜敷天之下遠者萬里近不下數百里我

君我相亦何恃以周知洞悉若燭照而數計乎則郡邑

志乘必不可闕也側聞前朝哲相於守令謁辭之

日必囑購其志乘故能蒐羅弘備流覽周詳儲宣

室之顧問審方域之情形實有裨於治道非僅資
譚助而已雖然志乘者郡邑之信史非虛公謹嚴
不可以載筆簡或失之呈漏詳或失之冗靡考核
不精則病在踳駁褒譏失實則病在矯誣又其甚
者以土著士大夫敘桑梓事不無鋪張揚厲誇大
其鄉之所有而不免爲識者所揶揄蓋甚矣志未
易言也余以壬申九月出守姑孰蕪繁二令各以
其邑乘來贄而當塗闕焉無聞問其故則有明三
百年未有全書卽今所聞永樂正德間兩書已若

齊諧志怪之帙荒遠莫考自此以後湮沒無徵又
可知矣夫六朝及明初當塗爲近畿赤縣名人碩
士項背相望而顧令文獻消沉風流歇絕斯固邇
人士之責而亦長民者之羞也祝君駿公以東牟
僑彥來令茲土爲政三年百廢具舉慨然以邑志
之不備亟謀脩纂延邑士彭生輩共襄編葺不期
月而告成嗚余弁其簡端余觀祝君之爲是書也
大要以郡志爲粉本而搜討精核遠過前人夫作
者之名雖聖人不敢任然而詩書易春秋一經聖

人勘定卽非復三千之詩百篇之書義文之易與魯史之春秋而卓然爲宣聖之書者何哉述者之功與作者等也祝君取材郡乘芟蕪其蕪穢不經之辭潤飾其鄙俚質畧之舊其於

皇朝定鼎以來戶口賦役沿革損益之故旣詳且核至於表揚節烈闡發幽潛袞鉞所關銖兩不苟此其功在作述之間而於躋駁矯誣鋪張誇大之失刊削殆盡卓哉斯編庶幾傳信於以脩他日輶軒之採使我

君我相瞭然知下里之情形其裨益治道非淺尠也後之君子念數百年文獻所徵不至湮沒無存者微祝君之力不及此更數十年又踵事而裒益之則斯志也垂久不廢而要當以先事之勤歸美東牟此則余有望於來者而亦祝君載筆之意也夫
嘗

康熙三十五年歲在丙子三月旣望
中憲大夫知太平府事宛平張獻撰

當塗縣志舊序

自昔輿圖諸書無如元和郡縣志迄今缺有間矣
予曾寓目焉然皆從邑乘銖寸而積之者也余自
壬申歲承乏姑孰急取邑志無有也取府志觀之
惻然傷其缺畧蓋太平之志一修於弘治丁巳再
修於正德丙子前志則鍾學使成之或議其煩後
志則祝藩司成之或病其畧府志如此則縣志可
知於今幾二百年矣其間兵燹頻仍文獻莫考故
老傳聞失實者十七八然則孰徵而孰信之乎乃

與士大夫約

聖天子有一統志之脩而邑志仍因其舊且經隔代闕然弗講有司之耻也於是聘鄉進士彭宗姬孫子寬端燧承司纂脩焉其間山川沿革星野土田戶口學校祀典則從詳不詳弗備名宦鄉賢節婦孝子則從畧不畧弗嚴大約以公不以私多者百餘年少亦七八十年不至如前志之云亦有司考鏡之林也夫姑孰地僻民貧前令如傳舍而餞梓之費又皆出於積俸之餘孰肯急其所不必急者乎

予任姑孰已四歲幸時和年豐士民頗安之退食少暇而爲此舉亦古者以文章潤色吏治之遺也書將成予友李漁村侍讀來遊采石漁村在館閣久所見郡邑之書必多予欲留爲訂訛舛漁村以有事辭去今者書成付梓二百餘年之事燦然如昨日纂修諸君子可謂勤矣予乃作而嘆曰邑乘之體職褒不職貶或議其煩或病其畧予豈敢知要之正人心厚風俗則作志之旨而有司之責也後之讀是書者見孰爲忠臣孰爲孝子孰爲節婦

例得而書之否則雖富貴弗載是其體職褒而勸
戒已寓其中矣若夫考據弗詳義例不備借漁村
已歸無可就正儻有發其覆而叅訂之者是所望
於後之君子豈

康熙三十四年歲次乙亥秋八月知當塗縣事東牟

祝元敏題

當塗縣志

重修姓氏

總裁

署 當 塗 縣 知縣事錢塘張 海巨川甫

當 塗 縣 知 縣 文安紀 晉企瞻甫

當 塗 縣 知 縣 陳留石欽承對馭甫

編纂

當塗縣儒學教諭銜管訓導事荆溪萬 櫛劬園甫

當塗縣國子監學正銜癸卯科舉人徐文靖位山甫

協編

太平府 儒學 教授 桐城張 瑚畏菴甫

當塗縣 儒學 教諭 崑山秦向春 蝟吟甫

太平府 儒學 訓導 常熟蕭漢一 鄂章甫

監修

當塗縣前河南睢州知州 服闋候補 吳本涵 潤仁甫

貢

生唐嘉韻 賡南甫

校訂

當塗縣丁酉舉人 新選休寧縣教諭 秦上達 義扶甫

丙午舉人 候選知縣 朱 岳魯巖甫

丙辰舉人 候選知縣 王亦新 毓華甫

丁卯舉人 李 鸞 健翎甫

督梓

當塗縣 典 史山陰 鈕維鏞 宏聲甫

康熙三十四年纂修姓氏

總裁

當塗縣

知縣牟平祝元敏駿公甫

監修

當塗縣

縣丞潞河蔣 澐蘭漪甫

編纂

當塗縣

候選訓導彭希周宗姬甫

候選訓導孫麟定子寬甫

候選訓導端肇震燧承甫

校訂

當塗縣

儒學教諭蘭陵湯

絡乘五甫

儒學訓導荆溪葉

翹培生甫

督梓

當塗縣

典史鑑湖章國英澹園甫

康熙四十六年增修姓氏

總裁

當塗縣

知縣玉溪成文運在東甫

編纂

當塗縣

江寧學庠生曹守謙為光甫

重修富塗縣志

凡例十二則

一當邑之志始於永樂舊志正德間三湖邢珣繼之兩書簡帙皆約自是二百餘年莫之纂修舊板既滅藏本亦尠康熙三十四年前令祝元敏慨縣志之闕如因借資於康熙十二年新修府志加以考訂斷制稍稱完備閱十年前令成文運雖云再修止人物藝文有所附益今於前志正其譌釐其駁而當增者悉採輯校定庶後之

君子有所考證云爾

一前志卷次今多更定如職官名宦選舉人物宜以類連敘而孝義為人生根本前志乃列孝義於人物之外就所編人物中其應以孝義傳者亦甚多岐而二之實為未協茲仿江南通省志及他郡邑志例凡宦績忠節孝義文學隱逸悉統之人物而分類以編至方伎流寓仙釋則仍前各另編焉

一邑乘以縣為主 府治郡學職官名宦已載府

志塗雖附郭不復屨入惟公署

如察院軍器局類

在縣

境者例得詳書建陽衛於郡城為附而官軍履土食毛強半在塗且童子昔隸當邑考試故前志于衛署屯田人物列女之在塗者俱附書今因之

一周公營洛書稱倂來以圖周禮大司馬掌天下土地之圖古人左圖右史有以也故凡志成首圖考前圖於山川疆域城池官署坊鎮壇廟橋梁莫不燦若列眉覽者開卷瞭然今仍其舊

一錢穀出自土田人戶定於丁口天府所登重典也前志則例雖表勝國哀益惟遵

本朝今俱仍之而數十年以來舊額之內或奉

新編必詳稽備載則壞成賦垂久不刊凡有牧民之責者烏可忽諸

一職官不盡名宦而名宦必由職官選舉不皆人物而人物多緣選舉二者先定邪正廉貪之大分正且廉者末秩不遺邪而貪者崇階亦斥非徒嚴往昔且以勵將來若桓温晉傳逆臣開牙

不錄靈寶僭尊九井桓墓以芟此物此志也至例監掾曹前志附選舉未有乖通例今遵憲檄不入惟曾列仕版已爲朝廷宣力之臣或且有績可載及監生有職銜者與無職者差別則均附於後云

一儀禮有鄉飲酒禮禮記有鄉飲酒義古人所重今與是典者無論正賓介僎必其行義素優齒德兼茂合邑紳士公議允協然後以告於官師而請行之是亦古者鄉選舉望之遺意也前志

失載間列十數人乃八於隱逸傳中舛矣今特於選舉之後另敘鄉飲一條凡可考者悉採入焉

一人物必立德立功立言確有表見方得入志卽有可法可傳生存者不立傳史法也卽志體也惟列女年踰五十卽爲完節不拘不傳之例通志亦然其列人物等項者後嗣有官階科貢例得列名傳末以見昌後之誼生監以下有行誼可錄間一附名概依舊例

一列女原非止列貞嫠第閨幃巾幗若大家道韞無幾故節孝居多昔蔚宗始志列女數百年中止十四人而猶以文姬叅其間識者病之想當日採訪之使自未遍也今逢

盛朝曠典各省所上貞孝節烈歲數百人誠亘古未有夫禕翟中人與醮不改自其分內若窮鄉僻壤士庶之配布粟不充乃甘受餒寒抗懷名節或且遭逢不幸蹈刃全貞是亦天地之正氣鍾焉可軼而不傳乎故已邀旌典者於例旣書

而現在申請及族鄰具呈俟覈實

上聞者亦附書至前志所載凡未旌而迄今無爲呈請者並列之備遺不敢沒亦不敢濫也

一藝文必有禪風化并地方大事乃登當邑關係民生之事無如十字圩湖陽鄉及各圩圩務已載圩埠項下若歷來利弊興革並養馬官田等政其文移冊籍與士民所指陳一皆登載以編糧所出民命所係也他若序記碑銘關一切創建本末至題詠山川古蹟止載前人名作及四方佳詠餘不槩入亦志體也

一雜辨凡聞見所徵無須置喙其從來聚訟如丹陽之郡治有三姑孰之確非湖熟史鑑極明已詳建置欵下又如湖陰爲地名宋祖爲孝武南州非姑孰之類皆有不吝不辨者若乃暖暖姝姝株守一先生之說而罔所折衷宜其爲莊子所竊笑也

一志以傳信凡與舊文互異之處卽須分晰註明前視今所修有異於舊志者則曰舊志云某今

有異於前志者則日前志云某使來者知所別
焉而刪繁從簡削疵歸正俱不縷析云

當塗縣志目錄

卷之一

圖考

卷之二

建置沿革

卷之三

星野

祥異附

卷之四

疆域

形勢江防附

卷之五

山川 關津橋梁井泉附

卷之六

城池 坊巷鄉鎮圩埠附

卷之七

風俗

卷之八

物產

卷之九

戶口

卷之十

田賦

卷之十一

公署

卷之十二

學校

卷之十三

祠祀 寺觀附

卷之十四

封爵

卷之十五

職官

卷之十六

名宦

卷之十七

選舉 鄉飲附

卷之十八

人物 宦績 忠節

卷之十九

人物 孝義 蠲賑附

卷之二十

人物 文學 隱逸

卷之二十一

流寓

卷之二十二

方伎

卷之二十三

列女 賢孝 完節

卷之二十四

列女 烈婦 貞女 外省賢節

卷之二十五

仙釋

卷之二十六

陵墓

卷之二十七

古蹟

卷之二十八

藝文

卷之二十九

藝文

卷之三十

藝文

卷之三十一

藝文

卷之三十二

藝文

卷之三十三

雜辨

備遺附

當塗縣志卷之一

圖考


古人讀書經世必左圖右史是史非圖莫核也况職方氏掌天下之圖尤辨方定位之樞要乎當塗東湖西江北多山南平壤廣輪所屆地勢各殊外之山陵封域內則學署衢梁羸縮少訛位置失當曷足信今傳後耶撮其大槩覈及細微一披覽而得真形百里郊圻卧治者可肘腋使也誌圖考計圖六列之左方

當塗縣疆域山川全圖




圖考

當塗縣城郭圖



當塗縣城郭圖



演武場

場


城隍廟

東院

南院

南院

南院



黃山塔

襄城橋

王公廟

五豆廟

化城寺

土地廟

元妙觀

濮水廟

西公廟



西公廟

西公廟


西公廟

金柱塔



圖考




當塗縣治圖



當塗縣學宮圖



富塗縣江汛圖



卧游哦出誦中畫操響應

儲画裏詩不是雨巾雙策

衛出川真面諷叔之

肇震紀事

之人吳

峰繪

門人陳德滋書

當塗縣志卷之二

建置沿革

丹陽肇自秦漢在六朝為畿輔地加之僑置以業
流毗故劈析較繁而實以姑孰為當塗則自隋始
宋定州基用冠三邑歷元及明

國朝因之幅員如舊確訂在人勿借援以滋疑勿鑿
空而傳會名實既核百里江鄉可按籍考也志建
置沿革

唐帝堯八十載洪水既治定九州五日揚州其域北

至淮東南至海而江貫其中今縣濱江屬揚按周公職

錄曰黃帝受命風后授圖割地布九州帝王世紀九州顓頊所建帝嚳受之是九州不始於唐前志

據禹貢之文今仍之

虞帝舜肇十有二州揚無異

夏王禹復定九州揚仍故

商王湯十有八祀放桀卽位纘禹舊服定九州揚居

其一 孫炎謂爾雅九州為殷制漢書地理志云殷因於夏無所變改也

周武王十有三年克殷成王時更定九州周禮職方

氏東南曰揚州其川三江其浸五湖此兼一州大槩言之

不必實指縣境也詳見雜辯

訪秦伯後得仲雍曾孫周章時已長勾吳因封之

至簡王時吳子壽夢益大盡有江南北

靈王二年吳壽夢楚子重伐吳克鳩茲至於衡山

此縣境著名之始衡山即橫望山衡橫通用山謙之南徐州記丹陽縣有橫望山即楚子重伐吳所至杜註以為在烏程縣南非吳時國於姑蘇楚不能越境而至烏程且鳩茲今蕪湖縣德政鄉地距橫望不百里壤相接也

元王四年越滅吳地入越

顯王三十六年楚敗越殺越王無疆盡取故吳地

地遂入楚

按吳越春秋事在顯王三十四年前志云三十五年誤

秦始皇帝二十四年滅楚悉定江南地置楚郡

此郡始

二十六年分天下為三十六郡析楚郡為九江鄣

會稽三郡縣屬鄣

此縣始縣名數俱無考

三十七年出遊十一月行至雲夢浮江下觀籍河

渡梅渚過丹陽

丹陽名始此地理志云丹陽秦屬鄣則縣始於秦非漢置也梅

渚在今池州境與牛渚無涉。按史記始皇本紀浮江下觀籍柯渡海渚括地志云舒州周安縣東正義云舒州在江中疑海字誤前志柯作河海作梅亦誤似多一牛渚之辨

漢高帝六年春正月以淮南五十縣立從兄將軍賈

為荆王

漢元年項籍立黥布為九江王都六五年帝徙韓信為楚王都下邳皆建國江

北鄣郡未知所屬及六年廢信為淮陰侯分楚地為二以其半為荆鄣屬焉

十一年荆王賈為英布所殺以荆地立兒子濞為

吳王

王三郡五十城鄣在焉

景帝三年濞以反誅夏六月徙汝南王非王吳故

地改號江都

元朔二年非傳子建反自殺國除

武帝元朔元年十二月封江都王子敢為丹陽侯

元狩元年敢薨無後國除

元封二年廢鄣郡置丹陽郡領縣十七 第一曰第宛陵

九日丹陽

此丹陽名郡之始金陵志云丹陽郡漢置治宛陵東漢因之又漢書註曰

丹陽楚之先熊繹所封十八世文王徙郢王懋

曰楚熊繹所封丹陽正南郡秭歸之丹陽而漢

志註以宛陵之丹陽為楚所封誤矣始置之丹

陽縣在今當塗東五十里地界江寧唐廢為鎮

五年初置十三部刺史丹陽郡縣隸揚州刺史

光武帝建武六年丹陽郡統十六城

第一曰第三宛陵

曰丹陽

獻帝建安三年封孫策吳侯治京口盡有丹陽等

六郡地

十六年孫權徙居秣陵明年城石頭改秣陵為建業

昭烈帝章武元年四月孫權移丹陽郡治建鄴

在秣

陵水

領縣十九丹陽縣屬如故

其餘縣名吳志無明文難以臆

定

晉武帝太康二年分丹陽郡置宣城郡丹陽郡治建

鄴統縣十一第三曰丹陽第四曰于湖

宋書州郡志注

云于湖分丹陽縣立本吳督農校尉治

按于湖地在

今當塗之東南蕪湖之東北二縣俱有其地不專屬蕪湖也舊混蕪湖于湖為一者非

元帝大興元年即位建鄴

避愍帝諱改建業為建康

移丹陽郡

治臺城西丹陽縣屬如故改丹陽太守為尹

其

陽郡舊治秣陵水北之建業者稱小丹陽與丹陽縣治亦分二處小丹陽今秣陵關地

永昌元年王敦反至姑孰陷石頭

此大事非沿革不應旁及以姑

孰名始見特筆之。按姑孰得名不知從來後

世以訛傳訛謂即漢湖孰縣地因聲之近似而

訛湖為姑此大謬也據胡三省通鑑註云姑孰

前漢丹陽春穀縣地今太平州當塗縣即其地

也南二里有姑孰溪西入大江但春穀舊地在

今繁昌非今之當塗地又陸游曰姑孰在當塗

今州城正據姑孰溪東南數峰如黛蓋青山也

若夫湖熟之縣昉於西漢為丹陽郡之第十

縣東漢為侯國晉屬丹陽郡之第十縣宋屬丹

陽郡之第七縣註云漢舊縣吳省為典農都尉

在淮水北宋文帝立齊屬丹陽郡第六縣其地則

千餘頃按丹陽記云湖熟前有長溪受句容赤

山湖水入長溪輿地志云湖熟西北有方山即

天印山下為湖熟鄉又晉惠帝大安元年丹陽

湖熟縣夏架湖有大石浮二百步而登岸歷按

諸說則湖熟在赤山方山淮水夏架湖之介距

句容甚近何由移來西南二百里而與青山接

壤乎且使姑孰即湖熟則在晉已稱湖熟為姑

孰矣其晉以後歷宋迄齊之湖熟縣仍舊則其為二地

耶已不相涉判然矣况宋書州郡凡例自漢至宋

無移改者乃注云漢舊縣若唯云某無者則

此前皆有也據此則湖熟無徙又可知矣

成帝咸和四年蘇峻祖約反江北江淮民南渡江

者轉多乃於江南僑立當塗縣及淮南郡以處

之先是元帝渡江從而渡者即春穀地僑立襄

邑無涉故畧而不書至是以地屬今繁昌與當

富塗縣志

卷之二

建置沿革

五

今之宣城南陵皆有其地亦不宜載以江南初
有當塗名故亦特筆之若僑立淮南郡則今蕪
湖地也亦割于湖境為之其後統治于湖地界
與丹陽如犬牙之相錯例得並誌云此外更僑
立遼道定陵襄垣等縣上黨郡俱在今
蕪邑西南於今縣境不屬亦併畧之

穆帝永和元年徙南豫州刺史治牛渚刺史為趙

豫州治江北殲覆于劉石永昌初刺史祖約自
譙城退壽春咸和四年僑立于蕪湖號南豫州
庾亮為刺史後徙邾城及武昌遙領後此又鎮
蕪湖或進壽春或鎮歷陽宋書載之極詳於丹
陽雖為統轄大吏而所治之地皆與當邑境內詳
惟此治牛渚及寧康間鎮姑孰寔當邑境內詳
之○胡三省通鑑註曰牛渚山在太平州北二
十里山下有磯津渡之處與和州橫江渡相對
按此則牛渚山名也與姑孰俱濱江重地故統
巡兵鎮駐節於此二地皆非縣也且東漢書范

史志丹陽郡云南有牛渚以記封域則牛渚非
縣愈灼然矣儻曰吳以後立為縣何晉宋諸史
無一字詳其廢置乎

孝武帝寧康元年徙南豫州刺史治姑孰刺史為桓冲○

自後書姑孰姑孰熟通用不一○按仲
雍字孰哉義取饗熟意此二字古通

安帝義熙九年太尉劉裕表定制省流寓郡縣省

立之襄城上黨郡又省陽穀
入蕪湖又省蕪湖入襄垣 割丹陽郡之于湖

屬淮南郡郡有實土又分于湖南為當塗境初當塗

俱僑立縣至是分于
湖實土為當塗境

宋文帝元嘉五年割揚州之淮南郡借宣城郡屬南

豫州徙治姑孰

初武帝永初二年分淮東為南豫州治歷陽淮西為豫州至此

復治姑孰。按淮南僑郡有于湖縣為之屬而郡寔南豫州有淮南宣城等郡為之屬而州寔皆有土有官并無淮南無守兼攝於宣城太守稱宣淮太守之曲說也若大臣親王特命統領二郡則不在此例也

七年罷南豫州并豫州

十六年閏八月復分豫州之淮南郡為南豫州置

南梁郡

二十二年罷南豫州

孝武帝大明三年二月以揚州所統六郡為王畿

淮南郡與焉

五年移南豫州治淮南郡之于湖縣

三年分江北

地復置二豫以地壤隔江故表不載至是移南豫於于湖

六年改豫州之南梁郡為淮南郡舊淮南郡并入

宣城宣城郡徙治于湖 罷南豫州

八年復立淮南郡屬豫州

子業之元年以豫州之淮南郡復為南梁郡復分

宣城置新淮南郡

明帝泰始二年分豫州立南豫州罷南梁及新置

郡復舊淮南郡

三年五月戊午罷南豫州并豫州以淮南郡偕宣

城統屬揚州

四年復以揚州之淮南郡偕宣城為南豫州治宣

城

五年六月壬午罷南豫州

宋書州郡志云時自淮以西悉沒於魏矣七年

復分歷陽淮南陰南譙南兖州之臨江立南豫州泰豫元年以南汝陰度屬豫州豫州之廬江度屬南豫州按此則自此南豫州不轄宣城淮南郡矣後雖復建南豫名雖同而地域皆在大江以北非復元嘉以來之南豫也至齊永明乃復建○又按宋書州郡志序云北州淪沒遺民南

渡並僑置牧司非舊土也地理參差其詳難舉寔由名號驟易境土屢分或一郡一縣割為四五四五之中亟有離合尋攷推求未易精悉

齊武帝永明二年割揚豫六郡

淮南在其中

復置南豫州

治姑孰

按齊書州郡志止云永明二年復置南豫州不言治姑孰前志載治姑孰姑存

之以俟考

梁武帝天監元年分丹陽縣置南丹陽郡於采石丹

陽縣屬之

陳文帝天嘉五年罷南丹陽郡

丹陽縣復隸建康丹陽郡

隋文帝開皇九年平陳罷丹陽郡置蔣州統縣三廢

淮南郡并襄垣于湖繁昌及西安四縣更置當

塗徙縣治姑孰合江寧溧水為三縣此當塗乃為治姑孰之當塗與昔僑置者

大異昔僑置者遠南極今涇石埭等地此當塗在其西北併今蕪湖繁昌地俱隱當塗中又

併舊當塗浚道等縣置宣城縣屬宣州此即僑置當塗

之地也時南豫州及宣城郡并罷

十一年析溧陽併丹陽縣地改置溧水縣隸蔣州

丹陽縣暫廢入溧水

煬帝大業三年夏改州為郡復以蔣州為丹陽郡

唐高祖武德元年改郡為州太守為刺史此時江南未附故改

宣城為宣州改丹陽為潤州不得明繫之此年其改州名必在杜伏威歸附之後唐書未詳其

年莫由確證爾杜伏威以江南歸唐改江寧郡先改丹陽為江

寧為昇州領縣四溧水居第二丹陽宣城郡為縣故地在溧水內

宣州領縣八當塗屬第二此當塗屬宣州始

三年以江寧溧水二縣置揚州復丹陽縣為屬以

當塗縣置南豫州

七年輔公祏平以揚州為蔣州丹陽縣屬如故

八年復以蔣州為揚州廢南豫州仍以當塗為縣

隸宣州南豫州自此永廢

九年揚州廢以丹陽縣隸宣州

太宗貞觀元年二月分天下為十道八曰江南道

宣州屬之 省丹陽縣以其地入當塗為鎮是自

郡縣不復稱丹陽而丹陽縣永廢至今為鎮此又今當塗地全屬宣州之始

元宗開元二十一年分天下為十五道其十三曰

江南西道治豫章宣州屬之當塗屬如故

肅宗乾元元年復置昇州於江寧郡割宣州之當

塗隸之置浙江西道節度使領昇潤宣歙等十

州尋廢

上元二年昇州廢復以當塗隸宣州

德宗貞元三年分置江浙觀察使宣歙池為江南

東道治宣州

昭宗大順元年賜宣歙為寧國軍以揚行密為節

度使 置昇州於上元縣當塗隸之

哀宗天祐四年吳王楊渥割當塗五鄉宣城二鄉

復立蕪湖自晉安帝省蕪湖入襄垣廢為鎮後襄垣又省入當塗至是割當塗南鄉

併宣城西鄉復立蕪湖亦未盡以蕪湖于湖舊

蕪湖既廢復立地未盡歸蕪湖必復還當塗但

世遠形移莫由詳考其處爾志中係于湖縣事

當塗縣志 卷之二 建置沿革

詳而不畧者因其地原半屬當塗非贅也概從刪削者或亦未詳考晉後諸史全書耶附記

天祐十六年楊隆演建國號吳其明年吳武義改

昇州大都督府為金陵府隸縣十當塗屬之宣

廣德蕪湖繁昌銅陵池之青陽與舊領上元江寧溧水溧陽凡十也

南唐烈祖昇昇元中改當塗為建平軍隸金陵府

元宗璟保大間失淮南地於周僑置和州於當塗

曰新和州尋改雄遠軍

宋太祖開寶八年宋滅南唐九年改雄遠為平南軍

無所隸

太宗太平興國二年陞平南軍為太平州復當塗

縣為附郭併以宣州之蕪湖繁昌屬州州隸建

康府路自是乃定三縣之制其以太平名州者即取改元之字與編書名太平御覽太

平廣記義同

高宗紹興初分天下為二十三路州屬江南東路

縣如舊

元世祖至元十四年改太平路轄以江浙行中書省

縣仍舊

成宗元貞元年分天下為二十二道路轄江東建

康道縣如舊

順帝至正十五年明兵渡江首取太平陞改為府
明高帝洪武四年定為太平府當塗首縣附郭餘縣
如故直隸京師

永樂十八年改京師為南京稱南直隸太平府縣
如故

國朝順治二年五月定江南改南直隸為江南省太
平府隸江南布政使司縣如故

康熙六年分江南布政司為二以太平府隸安徽

布政使司縣如故

當塗縣

秦丹陽屬漢初因之改郡為東漢因三國屬吳晉

因之析置東晉僑立淮南郡於于湖境南北朝宋

于湖縣屬淮南郡又割齊因梁置南丹陽

于湖南土為僑立當塗縣境及襄垣繁昌地因東

陳復屬丹隋併于湖淮南郡及襄垣繁昌地因東

也括今蕪繁二縣地隱其唐復置丹陽縣又即常

中丹陽故地併入溧水唐塗境置南豫州尋廢
復當塗縣改隸宣州更南唐建平軍新和宋平南
併丹陽入當塗為鎮南唐州又雄遠軍宋平南
為當塗縣附元改州為路明縣如故
郭太平州縣如故

國朝

皇清因之屬太平府附郭首縣編戶一百三十九里

沿革表

世代

國名
統轄

府
州軍同

縣

唐虞夏商

揚州

周

武王

十三年

吳始封

元王

四年

越有吳地

顯王

三十六年

楚

有越地

秦

始皇帝

二十四年

楚郡

丹陽

漢

高帝

六年

荆

鄣郡

丹陽

十年

吳

鄣郡

丹陽

景帝

三年

江都

鄣

丹陽

武帝

元朔

丹陽侯國

元封	二	元封	五	昭烈帝	元章武	吳	丹陽郡	丹陽
光武帝	建武	揚州刺史	揚州刺史	吳	丹陽郡	丹陽郡	丹陽郡	丹陽
獻帝	建安	吳	丹陽郡	丹陽郡	丹陽郡	丹陽郡	丹陽	丹陽
武帝	太康	揚州	丹陽郡	丹陽郡	丹陽郡	丹陽郡	丹陽	于湖
元帝	大典	揚州	丹陽郡	丹陽郡	丹陽郡	丹陽郡	丹陽	于湖
成帝	咸和	揚州	丹陽郡	丹陽郡	丹陽郡	丹陽郡	丹陽	于湖

晉

安帝	義熙	揚州	淮南郡	丹陽郡	丹陽
南朝宋	南豫州	淮南郡	淮南郡	丹陽郡	丹陽
文帝	元嘉	揚州	淮南郡	丹陽郡	丹陽
元嘉	南豫州	淮南郡	淮南郡	丹陽郡	丹陽
元嘉	揚州	淮南郡	淮南郡	丹陽郡	丹陽
元嘉	豫州	淮南郡	淮南郡	丹陽郡	丹陽
元嘉	揚州	淮南郡	淮南郡	丹陽郡	丹陽

南北朝宋

文帝	元嘉	揚州	丹陽郡	丹陽
元嘉	南豫州	淮南郡	淮南郡	丹陽郡
元嘉	揚州	淮南郡	淮南郡	丹陽郡
元嘉	豫州	淮南郡	淮南郡	丹陽郡
元嘉	揚州	淮南郡	淮南郡	丹陽郡
元嘉	揚州	淮南郡	淮南郡	丹陽郡
元嘉	揚州	淮南郡	淮南郡	丹陽郡

孝武帝 大明 六

豫州

南梁郡

南豫州

淮南郡

于湖

揚州

丹陽郡

丹陽

豫州

宣城郡

于湖

大明 八

揚州

丹陽郡

丹陽

豫州

淮南郡

合

于湖

子業元

揚州

丹陽郡

丹陽

豫州

南梁郡

明帝 泰始 二

揚州

丹陽郡

丹陽

南豫州

淮南郡

復

于湖

揚州

丹陽郡

丹陽

淮南郡

于湖

揚州

丹陽郡

丹陽

南豫州

淮南郡

于湖

揚州

丹陽郡

丹陽

于湖

齊

五

四

三

武帝 二 永明

揚州
南豫州

丹陽郡
淮南郡

丹陽
于湖

梁

武帝 元 天監

揚州
南豫州

南丹陽郡
淮南郡

丹陽
于湖

陳

文帝 元 天嘉

揚州
南豫州

丹陽郡
淮南郡

丹陽
于湖

隋

文帝 元 開皇

揚州總管
揚州總管

蔣州
蔣州

丹陽 當塗
當塗 溧水

煬帝 三 大業

丹陽郡

當塗 溧水

唐

高祖 初 武德

三

七

昇州
宣州
揚州
南豫州
蔣州

溧水
當塗
丹陽
丹陽

八

九

太宗

貞觀元

江南道

宣州

當塗

明皇

開元二

江南西道

宣州

當塗

肅宗

乾元

浙江西道節度使

昇州

當塗

上元

宣州

當塗

德宗

貞元

江南東道觀察使

宣州

當塗

昭宗

大順元

江南東道

昇州

當塗

哀宗

天祐十

大都督府

金陵府

當塗

南唐

烈祖李

建平軍

當塗

昇明元

新和州

當塗

保大末

雄遠軍

當塗

宋

太祖

開寶八

平南軍

當塗

太宗

太平興

建康府路

太平州

當塗

高宗

紹興初

江東東路

太平州

當塗

元

世祖 至元十四

江浙行中書省太平路

當塗

成宗 元貞

江東建康道太平路

當塗

明

高帝 洪武

直隸 太平府

當塗

文帝 永樂

南直隸 太平府

當塗

皇清

世祖章皇帝 順治二年

江南省布政使司 太平府

當塗

聖祖仁皇帝 康熙二年

江南省安徽布政使司 太平府

當塗

當塗縣志卷之三

星野 祥異附

周禮保章氏以星土辨九州之地所封之域皆有分星以觀妖祥唐一行志天文南斗在雲漢下流當淮海間為吳分石經以斗魁第三星主丹陽晉志丹陽入斗十六度於分野次舍必有當矣天人道邇精氣潛通善言發而星迴婦冤白而雨降無謂當塗蕞爾地非所攸閔也書曰欽若昊天詩云日監在茲僅管窺云爾乎志星野

縣本古吳越地亦為楚其州揚州其郡丹陽其星南

斗其次星紀其辰丑

鄭康成曰十二次之分星紀吳越也陳卓曰於辰在丑吳

楚之分野屬揚州

周禮保章氏註云斗牛女為揚州

史記天官書云斗江湖牽牛婺女揚州又曰越之亡

熒惑守斗

漢書地理志云吳地斗分野也今之會稽九江丹陽

豫章廬江廣陵六安臨淮郡盡吳分也

按此始分

之以吳地屬斗分野越地屬牽牛婺女分野然諸史亦有以斗言越牛言吳越或斗牛女合言吳越

揚州者未嘗執一也

晉書天文志云自斗十二度至須女七度為星紀於

辰在丑吳越之分野屬揚州丹陽入斗十六度

按此

始載丹陽分星度數其分隸精矣陳卓譙周等論並同

隋書地理志同上晉書

皇甫謐帝王世紀自斗十一度至婺女七度為星紀

費直易說云吳越分野起斗十度至女五度

蔡邕月令章句云起斗六度至須女二度為星紀當

吳越之分星

唐書天文志云每一次舍例以初中終三分其星之度云斗牽牛星紀也初斗九度中斗二十四度終女四度

宋史天文志云南斗六星南星者魁星也北星杓也石申曰魁第一主吳二會稽三丹陽四豫章五廬江六九江也星明盛則王道和平帝王長齡將相同心不明則大小失次芒角動搖國失忠臣兵起民愁

元耶律楚材以自斗四度至女五度為星紀許衡郭

守敬以自斗二度至女二度為星紀

明天文清類分野書曰斗牛在丑自斗三度至女一

度為星紀屬吳越分揚州太平屬斗分

本朝時憲書星紀之次起箕三度半至牛初度十八分

以上以星紀為吳越分主十二次言以斗牛女為吳越分主二十八舍言實則一也其諸家同異並列之以備稽考此外更有古吳越分野之法

漢書吳楚之疆候在熒惑 星經熒惑主揚州

此以五星言分野也熒惑火精故南國候之

史記天官書吳楚之疆占於鳥衡

此以方宿言分野也南宮七宿合象朱鳥衡為太微三光之庭鳥與衡同在南宮故亦占南國

後漢書天文志注引星經云玉衡斗七星也第六星

主揚州常以五己日候之辛己日為丹陽

晉書天文志北斗七星其四曰權權主吳

石經隋志宋史俱同

此以北斗言分野也天官書二十八舍主十二州斗柄兼之所從來遠矣

又云五車五帝坐也東南大星曰司空主填星主楚

隋志宋志皆同言楚則吳越在其中

隋書天文志云九坎東列星鄭北一星曰越魏西一

星曰楚其星有變各以其國占之 又引陶隱居

云越一星在婺女南 宋天文志亦云十二國十

六星在牛女南近九坎各分土居列國之象

此並舉楚

越而不言吳以吳越同占也

宋史天文志云天市垣二十二星象天王在上諸侯

朝王西方諸侯在應門左東方諸侯在應門右其

東藩第六星曰吳越

以上三則皆以中外官星言分野也五車天市在列宿北內謂之中官十二國星在列宿南古謂之外官○自熒惑一則以下皆見江南通志言天較密因以見吳越災祥專候斗牛猶未免於

拘墟也

史記天官書曰加以時日用命其國 又曰丙丁江

淮海岱也

漢志云丙楚戊吳越

此又以時日干支言分野也

禎祥災異 附

稽歷代天文志月與金水木土犯南斗多而久者書餘不書不勝書也熒惑犯南斗必書南斗郡分野熒惑疆所候也月五星犯北斗權星必書權屬揚州也災祥見於地者各有分域餘從同

周顯王二十五年熒惑守斗

其後越敗盡亡吳地

漢景帝二年十月丙子熒惑與辰星晨出東方因守

斗十二月熒惑辰星合於斗夏六月熒惑逆行守

北辰 吳與六國反

武帝元鼎 年熒惑守南斗

元帝初元元年客星大如瓜色青白在南斗第三

星東可四尺

和帝永元七年十二月丙辰熒惑太白俱在斗

延光元年秋七月丹陽山崩四十七所

順帝永建永和間熒惑屢守犯南斗至四年七月

壬午熒惑入南斗犯第三星 次年九江丹陽賊周生馬勉等攻沒

州縣

靈帝熹平二年八月辛未白氣如疋練衝南斗第

四星

獻帝建安九年十二月星變丹陽郡吏邊鴻弒其

太守孫翊 先是占者劉惇曰災在丹陽某日當驗至期翊遇害

三國 吳主孫權黃武三年 江東地震 按三國紀事舊書蜀漢建興年

號祖述朱紫陽綱目尊正統之義也然地不相屬事應必分故編年止從吳國年號焉

赤烏十三年

五月日至熒惑逆行入南斗秋七月

犯魁第二星而東八月丹陽諸山崩洪水溢吳

主詔原逋責給貸種食

吳主亮五鳳元年

七月江溢冬十有一月白氣出

南斗側廣數十丈長竟天星弗於牛斗 占曰此蚩尤旗

也東南其亂乎

二年正月彗星出吳楚分西北竟天次年改元太

平九月壬辰太白犯南斗三年孫琳廢亮

吳主休永安六年

白燕見慈湖

晉武帝泰始三年即吳主皓寶鼎元年民宣騫母年八十偶浴

化爲黿諸子閉戶守之掘堂上作大坎實水其中黿入坎遊戲一二日延頸外望伺戶小開躍入遠潭不復還

八年八月九年正月十年十二月各地震

太康元年五色氣貫南斗

惠帝元康五年十二月雨雹等大雪

永康元年熒惑入南斗

永興元年熒惑犯歲又入南斗丹陽內史朱逵家犬生三子皆無頭

後逵爲揚州刺史所殺

懷帝永嘉三年填星久守南斗夏大旱江竭可涉

六年秋歲星熒惑太白填星聚於牛斗

元帝大興元年四月地震九月太白犯南斗犬饑

詔百官言事

永昌元年閏月旱川谷俱竭

二年王敦下據姑孰百姓訛言行蟲病食人大孔數日入腹則死須白犬膽治之又云在外當燒鐵灼之於是灼者十七八白犬暴貴價十倍至

相奪五月大水

成帝咸和四年七月有星孛於南斗西北二十三

日而滅 大水

咸和元年三月熒惑守南斗經旬 王導問陶回已當遜位以厭天

譴回曰公以明德作輔而與桓景造膝熒惑何以退舍導深愧之

穆帝永和九年二月乙巳月入南斗犯第三星

帝奕太和六年六月大水稻稼蕩沒

孝武帝太元元年四月丙戌熒惑犯南斗第三星

丙申又掩第四星

十一年三月客星在南斗至六月乃沒

安帝隆安五年正月太白自去年十二月在斗晝

見至於三月日生齒 占曰天子有賊臣未幾桓靈寶僭位

宋文帝元嘉十二年丹陽淮南大水邑里乘船 舊志載二

十三年木連理生當塗揚州刺史始興王濬以聞按此當塗非今地舊誤入芟之

二十四年六月大水疫癘遣使給醫藥

二十五年二月己丑白麋見淮南太守王休獲以

獻

孝武帝孝建二年正月庚戌白兔見淮南太守申

坦以聞五月乙未十月甲辰熒惑再入南斗

三年十二月填星熒惑辰星合於南斗

大明五年十二月戊寅淮南松木連理豫州刺史

尋陽王子房以聞

舊志載二年白鹿見丹陽太守劉蘊以聞按蘊守宣城稱

丹陽誤且丹陽不宜稱守又誤芟之

七年十一月癸巳帝習水軍梁山有白爵二集華

蓋有司奏改年不許於博望梁山立雙闕

八年正月月入南斗魁中掩第二星二月犯第四

星四月犯第三星

占曰大人有憂丹陽當之大饑米升百餘錢人死枕藉於

道

明帝泰始六年八月壬辰熒惑犯南斗

順帝昇明元年八月庚申月入南斗犯第三星閏

十二月癸卯又掩第四星

齊高帝建元元年九月甘露降淮南桃石榴二樹

二年五月庚戌七月己巳月入南斗者再

武帝永明元年夏大水九月乙酉太白犯南斗第

三星

三年四月丁巳月在南斗宿食

四年獲白兔

五年二月乙亥三月丁亥熒惑填再合於南斗

十年正月己巳月掩南斗第三星

東昏侯永元二年二月甲子八月戊申月犯南斗

第三星者再

梁武帝天監元年八月壬寅熒惑守南斗

占曰吳越有憂是歲

大旱米斗五千人多餓死

中大通四年十一月熒惑入南斗十餘日出逆行

復入六十日乃出

六年五月己亥熒惑逆行掩南斗魁第二星遂入

斗口

元帝承聖元年淮南有野象數百壞人廬舍

陳宣帝大建十四年七月江水赤

自建康至荆州色如血

後主叔寶至德二年采湘州木造正寢棧至牛渚

磯盡没水中既而漁人見棧浮海上

隋煬帝大業九年五月丁丑熒惑逆行入南斗色赤

如血如三斗器光芒長七八尺於斗中句已而

行

唐太宗貞觀二年當塗崔姓家生駢竹觀察使崔準

以聞

高宗永徽元年六月山水暴出漂廬舍

顯慶五年二月甲午熒惑入南斗六月戊申復犯

之

明皇開元二十七年七月辛丑熒惑犯南斗

代宗大歷十年歲星熒惑合於南斗

占日饑旱
吳越分也

十三年十二月月太白歲星皆入南斗魁中

德宗貞元二年魚鼈蔽江而下皆無首五月江溢

順宗永貞元年三月熒惑入南斗色如血

占日色
如血旱

祥也斗
吳越分

憲宗元和九年熒惑入南斗中因留犯之大水害

稼

十三年三月熒惑入南斗因逆留至於七月在南

斗中大如五升器色赤而怒乃東行

穆宗長慶二年二月甲戌熒惑合於南斗

占日餘
旱是年

饑

文宗太和八年夏大旱是歲月入南斗者五

開成四年正月丁巳熒惑太白辰星聚於南斗夏

江溢大水害稼

武帝會昌四年十月癸未太白與熒惑合遂入南斗

僖宗中和四年大旱饑人相食

昭宗光化二年三月十日太白填星合於南斗占

吳越有兵

光啓元年正月江水赤數日

吳楊演太和元年二月辛酉熒惑填合於斗

南唐烈祖李昇昇元三年二月甲午月犯南斗第三

星夏四月熒惑犯月

四年冬十月癸巳朔月熒惑填星歲星聚於南斗

元宗李景保大二年八月甲辰熒惑入南斗

十一年大旱民饑疫死者過半

宋太祖開寶元年六月大雨水江溢壞民田廬

九年六月乙卯熒惑入南斗

太宗太平興國四年大饑

八年六月江水溢溺死者衆九月颶風拔木壞廨

宇民舍千八十七區

雍熙二年三月江南民饑許渡江自占四月遣使賑給

至道三年八月庚子熒惑掩南斗

真宗咸平二年五月甘露降秋旱賑之

四年正月四月九月月犯南斗魁者三十二月丙

寅太白晝見於斗

景德元年閏九月庚戌熒惑犯南斗旱遣使決獄訪民疾苦祀境內山川

大中祥符四年六月大水給民占城稻種擇民田高仰者蒔之次年旱復給

天禧四年二月三月四月五月閏十二月月犯南斗者五七月八月太白入南斗者再冬大稔

五年八月庚戌熒惑掩南斗魁壬午又掩南斗仁宗天聖元年四月熒惑犯南斗魁八月癸巳又犯南斗

四年六月大水肆赦蠲租撫流民

明道元年饑二年發運使以上供米百萬斛賑江

淮饑民命范仲淹安撫江淮仲淹擷饑民所食
烏昧草進御請示六宮貴戚以戒侈心冬十月
癸巳朔十一月癸亥太白犯南斗者再

皇祐五年八月乙巳熒惑犯南斗

神宗熙寧六年十月饑賑之

元豐元年月犯南斗者三掩其西第五星東第二
星者各一九月戊申庚戌太白犯南斗者再

哲宗紹聖三年五月乙巳八月丁卯九月甲午月
犯南斗者三大旱溪河涸竭

徽宗崇寧元年五月丁巳熒惑退行入南斗魁戊
辰又犯之

大觀四年二月辛卯七月戊申月犯南斗者再
政和六年有木連理上之

宣和三年正月戊申熒惑犯南斗丙辰又入之十
一月水災

高宗建炎四年九月壬戌熒惑與歲星合於南斗
紹興二年三年月入南斗魁中者三

六年正月乙亥熒惑填合於斗

七年二月丙申大火官舍民廬殆盡六月旱

十二年二月辛卯縣火

蕪湖鎮江池州同日火

十三年五月水六月賑之

十九年七月戊申熒惑入南斗

二十三年夏宣州水泛溢至境縣諸圩盡沒

二十四年冬丹陽湖螭龍穿岸而出石臼湖水合

一螭自水中出繞丹陽湖有聲如雷

孝宗隆興元年大水悉蠲其租

二年二月乙酉熒惑與歲星合於斗夏大水浸城

郭壞廬舍圩田軍壘操舟行市者累日人溺死

甚衆詔賑之七月熒惑犯南斗

乾道元年二月至九月月掩南斗者六

三年麥一莖雙岐邑宰韓琳行野得之民俞文更

進六穗者因建瑞麥亭

按麥之兩岐者常有不足為端

五年五月庚午十月丁亥月入南斗者二

六年五月水城市有深丈餘者人多流亡詔免身

丁錢

七年三月旱賑之

八年常平倉池中產兩白蓮知州胡元質以聞因
建雙蓮樓於南門

九年五月水漂民居壞圩湮田

淳熙二年石榴一本五苞生州圃中石孝友作五
榴頌以獻

六年秋水壞圩田

八年五月己卯熒惑入南斗六月庚戌又犯之七
月戊寅又入之大饑發廩蠲租遣使按視民有
流入江北者令所在賑業之

九年春正月庚寅詔貸江浙旱傷民稻種計度不
足者貸以椿積錢 蝗

十一年五月大霖雨禁諸州遏糴

十六年秋產異麻於近郊合數幹為一狀如芝知
州洪邁作頌以紀

寧宗嘉泰元年旱賑之仍蠲其賦

舊志載九年瑞麥有兩岐四岐

考嘉泰止四年無九年記載必訛故闕之

開禧元年旱賑之

嘉定二年九月己酉熒惑犯南斗蝗旱大饑斗米

數千錢人食草木詔七歲以下男女聽異姓收
養著爲令

四年八月壬辰熒惑犯南斗

八年七月詔發米三十萬石賑糶江東饑民

十六年冬十一月辛亥大水詔賑之

理宗紹定元年秋七月戊戌熒惑入南斗

端平元年正月丙午太白熒惑合在斗五月蝗

嘉熙元年十二月戊寅朔日食日與金木水火四
星俱纏斗食將旣

三年八月癸亥熒惑太白合於斗

四年六月大旱蝗

淳祐六年九月甲子有流星出於斗尾跡青白照
地大如太白

景定元年五月乙未熒惑入南斗留五十餘日

度宗咸淳七年大饑詔賑避難流民

八年大水

知州孟知縉救却
之民爲之立亭

恭帝德祐元年八月戊午熒惑入南斗饑疫

元世祖至元十七年大饑

二十年四月己亥七月癸亥太陰犯南斗者再

二十五年九月癸卯熒惑犯南斗

二十七年十一月大水詔賑之

成宗元貞元年州民上榆木一本析之有文曰天

下太平 夏大水

二年六月大蝗民饑發粟賑之

大德二年夏四月大蝗

四年二月旱詔賑之

泰定帝四年大饑免其租稅仍賜粟賑兩月

文宗至順元年閏七月大水

二年大水壞田

順帝元統元年熒惑入南斗留五十餘日

二年熒惑入南斗

至正十五年有黃雲罩城中元將陳也先帥兵來

攻望見驚回襄城橋下伏兵擒之

明高帝洪武八年秋八月旱詔免田租

十年夏大水免田租

十九年四月二十三年正月三十年十月各熒惑

入南斗

章帝宣德六年九月八年八月並熒惑犯南斗
九年自春至秋大旱江湖涸竭麥禾不收民無粒
食剝榆皮爲麩啖之疫癘並興道殣相望

睿帝正統十四年七月熒惑入南斗久不退舍
純帝成化六年水詔免糧稅

敬帝弘治十六年十七年連旱大歉

毅帝正德二年二月地震有聲房屋動搖移刻
四年八月夕有火塊自西北東流散作三段天鼓

隨之歲大旱

五年夏大水舟入市中至秋方退

八年麥將熟忽黃紅沙霧傷其根粒壞人不得食
十年沙殺麥如八年

十二年水火凶荒

十四年夏水溢羣蛟出江湖涵湧至秋未退麥稻
皆不登死者載道

肅帝嘉靖二年自二月至四月不雨守令虔禱五
月五日雨栽蒔愆期禾僅半獲

三年大饑人相食

八年大水奏免糧十之三

九年舊水不退加之春雨田疇成湖麥禾無收免

田租之半

十四年旱飛蝗蔽天

十六年大水

十八年大水漂沒民居

二十一年八月丁酉熒惑掩南斗杓白日無雲而

雷火光燭地山雉悉鳴移刻乃息

二十三年春大饑斗米銀三錢六月熒惑犯南斗

三錢者銀三錢也蓋言穀價之翔貴也從信錄以爲錢三文非也大饑之歲何能斗米三文乎

三十三年六月彗星見北斗天權星傍倭寇由蕪

湖趨當塗轉犯南京

顯帝萬曆五年彗星見斗牛間尾長數十丈此虫尤旗

也占曰吳越水已而大水七年八年尤甚

十三年二月地震房屋動搖

十五年大水連年患水圩鄉盡沒

十六年大饑死者相枕藉有卽死粥廠者有一家五口以繩相牽同赴水

死者

十七年旱

是年民有發窖金於四條巷金上有嘉佑字析之以上縣令章嘉禎晒而却之

以連歲災歉民不聊生相地形勢西南孤弱即所上縣金創為金柱塔鎮之自是民生漸裕

三十一年四月水關

邑溝澗中水無故沸騰人家盆盎之水亦然江南數百里

皆如是異變也

三十六年大水羣蛟齊發江漲丈餘圩岸皆潰由

當邑至蕪無復陸路水患惟此為甚民剝樹皮

掘草根以食

四十年水

四十一年大水十字圩又壞

四十三年重陽大雪

四十四年二月大雪彌月山獸至平原人手縛之

夏大蝗

四十五年蝗復甚郡縣令捕之里納數石如數受

賞患乃息是年江北田鼠渡江而南每羣千計

水中彼此相負至岸乃散月餘方止穴處食苗

四十八年

八月後泰昌元年

二月夜有異鳥哀鳴三月乃

去

聲如一串鈴或見其集梵剎樹為九頭鳥

八月十一日地震有聲

如雷 本日乃貞
帝誕日

哲帝天啟元年元旦前後大雪四十餘日深六七尺野鳥餓死

二年六月望後熒惑入南斗逆行至二十五日以後守斗口逾月順行復入斗魁逾五旬不退舍

八月四日復犯斗魁之東一星東一星亡

三年春民產異物 一產子眼鼻俱在腦後而畧具人形無下體一產物如鴉狀無

羽毛條冬火十二月丁未地大震 先是閏十月

化爲血餘火龍墜院側巷動盪閃爍遊入民居則形忽小如蜈蚣兩角光微紫衆駭之送入水中既而

火災四發
地震裂

四年民彭姓家鐵雞生卵十數枚字之半月 宦官熾盛

不久敗六月大水七月賑之 亡之應

七年正月大雪十日雪時忽大雷電五月熒惑入南斗形成旬已留守六十餘日而後去

莊烈帝崇禎六年早晚禾薄存大風偃之無遺粒大饑

七年夏紅毛鼠渡江來損田禾青山下更甚 剖之無骨

無腸入人家
家鼠嚙殺之

九年四月辛卯天鼓鳴自西南來向東北去

十一年大疫旱蝗患羊毛疹身熱似傷寒三日出疹脹甚投以藥皆死

有嫗以鍼刺中指中節間出紫血少許去如羊毛者一莖隨愈病漸息嫗死

十三年大水蝗

十四年旱大饑疫

十七年六月有星隕於清源門內民劉姓家隕

火十餘處照曜如白晝 異鳥來 作恨聲明年城屠半焚

國朝

世祖順治二年六月大雨雹暴風拔木

三年春二月恒雨大雨雹暴風拔木城內棹楔多

仆

八年六月大雨水田半澇十月朔日食既移刻昏

黑雞犬驚號十一月天鼓鳴有星隕於西南

九年大旱江湖不至

十年冬大雪冰厚數尺簷冰挂地木多凍死

聖祖康熙二年九月大水城市皆淹禾實壞半先是萬歷年有

謠記異日九月二十三打破湯家灣是日圩復破

七年城內產瑞麥有兩岐者 六月地大震墻垣

多傾倒者人如舟行被蕩數刻方寧屢震後地
中生毛引之如絲可三尺

八年十月庚辰辰時雷電申酉戌時復大雷電壬
午酉戌時雷電其時石礎大潤薺花榮桃李木
芍藥俱華夜大風甲申嚴寒酉刻大雪十二月
甲申大雷電微雨天色赤明如夏抵暮雨霰
十年自五月至七月不雨冬大雪

十二年地生髦

如白髮長者盈尺

山荒

有黑蟲食山松葉松如火灼半

死半生久而復甦金陵
瑣事載此謂之山荒

十八年夏大旱奉

旨蠲免被災八九十分田畝稅糧有差共免銀貳千玖

伯貳拾伍兩肆錢壹分肆釐零米陸拾壹石叁
斗捌合零至陸拾柒石玖斗叁升零

二十三年大水圩岸崩壞十之三田禾淹沒

二十六年至三十年螟

有竟畝不鎌者南境爲甚

二十九年冬大雪橘橙凍死

三十年春民謠言相驚或見如燐者或黑物如犬
附地去者四鄉置兵守望數月乃息

三十二年夏旱奉

旨蠲免本年漕糧三分之一共免正耗米肆千玖伯捌拾壹石陸斗伍升有奇

四十五年夏麥大熟居民王大福諸生芮望友黃孫恒俱呈瑞麥

四十六年夏大旱秋七月望後始雨晚禾猶有秋四十七年夏大水大官圩及各圩皆破秋復大水田禾俱淹民無食奉 文大發倉穀賑濟是年十月又特奉

旨四十八年除漕糧外地丁銀全行蠲免

四十八年夏秋大疫死者相籍

世宗雍正四年五月辛丑大風從西北來掀屋拔木吹

墮凌雲山塔頂五月二十六日雨至六月初十日小圩破者無數八月初旬復雨至九月底止田中水深數尺禾爛無限被災九十分田共伍千叁伯柒拾陸頃玖拾陸畝壹分貳釐壹毫蠲免十分之三地糧銀玖千貳伯捌拾陸兩柒錢叁分壹釐南米貳伯貳拾貳石玖斗貳升玖合

零豆貳伯肆拾捌石捌斗捌升捌合零乏食饑
民自本年十二月起至次年閏三月終止共賑
過大小口貳萬柒伯捌拾口有奇每日按名煮
賑共用米伍千陸伯玖拾壹石貳斗零

五年夏秋水十月初前後十日內天雨紅菜豆形
似小麥無蒂拾者或盈匊

十年三月雨磧數次浮水面五月癸未未時天鼓
鳴自西南至東北

十二年四月丁未亥時東北方有流星如月七月
癸巳戌時流星大如斗赤光自西至東北

今上乾隆三年秋大旱東北鄉被災五分至十分田共

壹千伍伯陸拾柒頃叁拾捌畝伍分玖釐玖毫

是年定例被災十分田蠲十之七災九分蠲

十之六八分蠲十之四七分蠲十之二六分五

分蠲十之一當邑免銀肆千肆伯捌拾伍兩捌

錢伍分有奇米壹千肆伯伍拾柒石貳斗伍升

伍合零豆玖拾貳石伍斗貳升陸合零又賑極

次貧民大小口銀壹千貳伯肆拾兩伍分米叁

千陸伯參拾柒石肆斗捌升加賑極貧大小口
穀貳千陸伯貳拾捌石肆斗伍升

九年七月壬辰酉初刻天頓黑有白龍尾垂二丈
餘自西南橫掠至東北傾屋拔木墮金柱塔頂
于河漁人網起貯菴中

十年二月丁未戌時太白貫月至子時從月左出
癸丑夜太白有光五月東南鄉有蝗府縣督民
夫捕滅之禾苗無害

當塗縣志卷之三終

